



Na: Lider di frakshon di MPB  
Atenshon: Sr. Hennyson Thielman  
PRESENTE

Fecha: 14 di Yüli 2026.

Tópiko: kartanan di MPB di fecha 06-07-2026 i 13-07-2026

Apresiabel sr. Thielman,

Frakshon UPB a disidi na kontesta e dos (2) karta di MPB fechá respektivamente 6 di yüli 2026 i 13 di yüli 2026.


Den e kartanan nos frakshon a konstatá un kantidat di ekspreshon tildando UPB di tur sorto di asunto i ku MPB ta deseá na proponé pa bolbe nombra èks diputado J. Statia komo diputado den e Kolegio Ehekutivo.

Ningun kaminda den ningun e kartanan MPB a admití ku e fayonan ku tabata tumando luga a wordu okashoná prinsipalmente pa MPB debí na e echo ku no tabata demostrá ningun klase di interes pa ta presente den ningun reunion di koalishon durante tres luna largu ku UPB a trata na organisá conforme palabrashonnan hasí.

A palabrá ku e diputado di R&O lo traha den estrecho kolaborashon ku diputadonan kolega i consehero i empleadonan di despacho di e diputado di R&O conforme palabrashonnan hasi adelantá. E èks diputado no tabata komuniká ku su kolega diputado ni su despacho di R&O.

Via di frakshon MPB tampoko frakshon UPB no a haña ningun informashon, plan i/of strategia di parti di e èks diputado di R&O. MPB a ignorá e echo ku UPB na multiple okashon a bati na e bèl pa por fabor pidi e èks diputado pa e atendé ku su kolega diputado di B&O pa asina asumí e responsabilidadnan huntu i den forma kolegial i transparente.

Èks diputado di R&O a disidí na organisá biahe di trabou pa Hulanda sin informá i sin envolví su kolega diputado di B&O ni mucho menos e despacho di e èks diputado.



UPB a hasi un último intento pa tene un reunion di koalishon na Hulanda dia 17 di yüni 2026 pa 19.00 or (13.00 or ora di Boneiru) pero algun minüt promé ku e reunion mester a tuma lugá, tantu frakshon di MPB komo frakshon Serberie a bolbe pidi pa postponé e reunion.

Aki ta kaminda ku a bira opvio ku MPB tabatin un agenda dòbel i tabata simplemente usa UPB bou di e kapa di koalishon.

Yegando na e konklushon aki UPB a disidí ku lo no sigui mas asina. MPB no tabatin interes den reunionnan di koalishon i e èks diputado intenshonalmente ku bendishon di frakshon di MPB a skohe pa mantené UPB den un koalishon kaminda ku MPB kier a goberná den forma no kolegial, no transparente i sin komuniká i/of reuní den koalishon. UPB lo hasi e eskoho pa ta mihor den oposishon en bes di ta den un koalishon ku partnernan di koalishon ku klaramente tin mas agènda fuera di e mini programa di gobernashon 2026-2027.

Despues ku UPB a duna ful koperashon i konfiansa den e koalishon di 3 frakshon, UPB a disidí ku UPB lo no pèmití pa ningun otro frakshon sigui usa UPB mas komo kabai di karga i a proponé pa UPB mes nombra un diputado di UPB pa e direktorado di R&O. UPB ta spera ku lo tin kompreshon den koalishon i ku koalishon lo sostené e proposishon di UPB dia 21 di yüli 2026.

Atentamente,

Benito R. Dirksz

Pablo J. Kroon

Simeona B. Chirino-Felida

*Kopia: frakshon Serberie*